

Cauteræa mædømbe mala Buləs aban ká a ban **TIMOTI** **Møncau**

Timoti ka, lo-ɓwa mækwaɗi na aɓa nzali Asiya mækyauwe; ngge ka ɓwama Yahudi na sə tárrí ka ɓwa Gərik na. Yí duk ɓiməturo andə gbasha mala Buləs aɓa túró mishan male. *Cauteræa Mædømbe mala Buləs aban ká aban Timoti* ka nacau amur agir məcandəe tárú.

A tite nə nunkiru amur aməkàniɓir nyir aɓa ikəlisiya. Mənia yì kanigir mənana, kpapi twale mala amə Yahudi andə aɓwana mana amə Yahudi na raka, à kwákítè amur eare mənana ama banza mana səm nggə səni nə məsəu ka ndanə ɓealɓikea, sə dəm ngga kəɓwa pà nə kum amsəban ɗang she nə ɓe sùrəe mənana nda aɓa səmbərəa, andə pakki agir kəla ɓinəkia aɓea girlina andə ɓinəce doɓala. Baria ka à kwarkir aɓwana amur anjar mala gingnə túró ɓá ndahiwi andə peri, sə à bang ulang ɓealu mənana aɓwana-məgule mala aməkwaɗi andə amə'bwalturo ndahiwi nə pang nəi ka. A masələate ka, à kwarkir Timoti ɓə duk mətúró məboarne mala Yesu Kərəsti, sə amur atúró mənana nə pa arə abuban mala kpapi mala aməkwaɗi ka.

Agir mənana aɓaləi ka

Møncau1:1-2

Akwarkiru amur kpapi mala aməkwaɗi andə amətúró male1:3--3:16

Kwarkiru aban Timoti amur túró male4:1--6:21

Makkun mala Buləs

¹ Mənia yì cauterəa ka, pur nə ban Buləs, mə'mishan mala Kərəsti Yesu nə tasəban mala 'Bakuli mə'amsə səm, andə mala Kərəsti Yesu mənana nda tsəkbaləu ma'səm ngga.

² Mə nda ban giləi Timoti, yì munem məbafoe aba pabamuru aban 'Bakuli.

Bə bɔwamuru, andə sən məsəswatər, andə dorəpwala nə ban 'Bakuli Tār səm andə Kərəsti Yesu Mətala səm do atò.*

Nunkiru arə akanigir mə'nyiri

³ Mana mə nə o a Masədoniya ka, ən no nə rəcandəa nəma wu came a Afisu, ace mənana wu tamsə abwana mənana akanigir malea ka, à nda dāng andə məsəcau ka.

⁴ Kəa earia wia bəa kə kidiki do ace naki anjarnzəne andə makgır amur acau mala atau mala abwana a pwarian mənana masələate pà kàm raka dāng. Acemənana amənia yì agir ka, à pà nə lùmsə pe mala 'Bakuli dāng, ko a na raka, à pà nə bwalì abwana kàm aba do pabamuru malea aban 'Bakuli dāng.

⁵ Tər mənia yì nzongcau ka nda mənana ama, amə kpata 'Bakuli kat ka, à nə lùmsə nə earcearəu mənana purkiyi a babum məboarnsari, andə denyicau məboarne, andə pabamuru mə'məsəcaunì ka.

⁶ Sə abea abwana ka à kyanghəni mənia yì mūgula cau ka. À bɔwarkini tanjar mala amənia yì agir ka, à kutina aban naki acau mənana bamuria pà kàm raka.

* **1:2 1:2** Balli gbal aba: Atúró 16:1.

⁷ À kə earce bəà sùrəia ama à nda ka amə kanî abwana Nggurcau mala Musa, sə à sùrə gir mənana à nakiyi cau amurí ka dāng, kat andə amani ama à kə ne nə rəcandəa malea kat ka.

⁸ Səm sələna ama Nggurcau ka ndanə boaro, yi mənana bəà pāngŋənà túró nēi a njari ka.

⁹ Sə dəm ngga səm sələna ama nggurcau ka, à tsəi ace abwana mənana à kə pak məboarne ka dāng. Nda ace amə'yəl-nzongcau, andə amə'mgbikiru, andə amə dʷanyɪ banggi Bakuli, andə amə'caubikea. Nda gbal ace amə dʷanyɪ dukdo məfele, andə amə nyesəce kpata Bakuli bə, andə amə wal-lú ka tárrià andə anggea.

¹⁰ Yi Nggurcau ka, nda ace amə nongginəban nə abwana mana à pà aba alban andəia raka, andə amə pak caubikea nongginə rəarəia, aburana arə aburana sə amaməna arə amaməna. Nda ace amə bwalban a guro, andə amə'nyir, andə amə kángir amur nyir, andə abwana mənana kat do malea ka nda dāng andə kanigir mə'məsəcaunì ka.

¹¹ Mənia yì kanigir ka pur aba Cau Amsəban məboarne, mana Bakuli mənana boaro bəà pe wi bʷangsəban ngga, pam a buam ngga.

Bwamuru mala Bakuli aban Buləs

¹² Ən nggə pakki Kərəsti Yesu Mətala səm yàwá mana pam rəcandəa mala pak túró male ka. Ən pak yàwá acemənana earnə mim sə twalam ama bə ən pakki wi túró,

¹³ kat andə amani ama dídʷal ka, ən zaləkì nə kunam, ən pe abwana male tanni, sə ən ləmdəi wi beal bəsəkiban ngga. Sə Bakuli ka sən məsəswatər

mem, acemənanana ən pe aba đwanyi sələe andə đwanyi pabamuru a baní.†‡

14 Sə Mətala səm soləəm bəwamuru male mə'kərkər nì a muram, atārəia andə pabamuru andə earcearəu mənana à nda aba Kərəsti Yesu ka.

15 Mənia ka nda nê mə'məsəcaunì, mənana koy-ana ka, bə earnə cê ka, ama <<Kərəsti Yesu yiu aba banza ace amsə amə'caubikea,>> sə mə nda mana ən karmur abwana kat nə caubikea ka.

16 Sə àkə cè mənia ka Bakuì sən məsəswatər mem amsəam, ace mənana bə Kərəsti Yesu pak túró nə mim, nggea mə'caubikea mana karban kat ka, ace ləmdə munyi male mənana madani pà kàm raka arəəm, bə abwana səni. Sə anggo, acili abwana nè sələ ama yia gbal ka, à nè gandə pabamuria a baní, à nè kum yiləmu mana málá male pà kàm raka.

17 Adyan ngga, gulo andə boarəwa kat ka, mala Bakuì na, mana málá male pà kàm raka. Yì mənana nda Murəm mala anza kat, sə pà nè wù dāng, yàle bəwapəndəa pa nè gandə səne raka, kə yì mwashat nda Bakuì. Bə do anggo.

18 We munem Timoti, mənia ka à nda ka kwarkiru mem a bano, kəla mənana caubangnəa mala Bakuì bang a muro đíđyal ka. Mənia ka bə po rəcandəa mala munəo pepè abalə a'lwa mala Mətalabangno.

19 Bwal kàngkàng arə pabamuru mô aba Kərəsti, nə đenyicau məboarne. Acemənanana abea bəwana

† 1:13 1:13 *đwanyi pabamuru a baní ko đwanyi earnəi.* ‡ 1:13 1:13 Balli gbal aba: Atúró 8:3; 9:4,5.

ka, à binə okî babumia, gandəa à kîdîkîna pabamuru malea.

²⁰ A ulang yia ka à nda ka Heməniyos andə Alizanda. Yia kəm ngga, ən tasənia a babû Shetan; mənəia ka nə kània wia gîr ace mənana bəà kəa zalə Bakuli raka.

2

Kwarkiru amur peri a ban Bakuli

¹ A damba nə agir kat ka, ən nggə pa kwarkiru ama, wu kə pak hiwi ace abwana kat. Wu kyan nə bua ma'wun a ban Bakuli amúrià, wu zəmbi wi bə bwalia wia kàm kat nə bwamuru male, sə wu kə pakki wi yàwá acea.

² Wu kə pak hiwi anggo, ace amurəma andə abwana mənana à ndanə gulo a bantúró ngg-wamnati ka, ace mənana bə səm dukdo rəpwala, andə banggi Bakuli andə bwalrəu.

³ Mənia ka ndanə boaro, sə kə pwasəbum Bakuli Mə'amsə səm,

⁴ mənana eare male na koyan ngga, bə kum àwá sə bə súrə məsəcau ka.

⁵ Bakuli ka, nda mwashat bərbə; sə Bwa mənana a nre bwapəndəa andə Bakuli ka, nda mwashat, yî Bwa kəla Kərəsti Yesu,

⁶ mənana pà yiləmi, ace akmúr bwapəndəa kat ka. Mənia yî cau ka à yî pe banza a kārəa mala pwari ama Bakuli ka earənace ama abwana kat bəà kum amsəban.

⁷ Àkə cə mani sə à taram kəla məhama andə mə'mishan, mə kani abwana mala acili anzali gir, amur pabamuru andə məsəcau. Mənia ka nyir na

ən nakiyi ka dāng, nggearə mäsəcau na ən nggə na ka.*

⁸ A koya ban peri ka, ən nggə earce aburana mənana à pana bamuria aban Bakuli ka, bəà pak hiwi nə loasə abuiə məfele a kùli nə babum məboarnsari, bumlulla andə makgìr pà kàm dāng.

⁹ Anggo gbal sə amaməna ka bəà giləki rəia nə agir-nggūrəu ulang amənana à nè yinə pagulo ka. Giləkirəu malea bəkəa yàl nzong dāng, sə bəà bwal bamuria. Pà nə bələkia anyang, ko nə agir-njengəlan ko nə agir twalməsəu andə agir-məkúrocandəe dāng.†

¹⁰ Giləkirəu malea bə duk pakki agir-boarna mənana dupi amaməna mana à bang ama à kə banggi Bakuli ka.

¹¹ Amaməna ka, bəà kə kwaki kiria arə kanigir nə do kún-dəong andə nongsəmúrû.

¹² Ən eare nəma bə bwama duk məkànigìr amur aburana ko bə dum nə rəcandəa amúriə dāng. Yia ka, bəà kə kwaki kiria nə do kún-dəong.

¹³ Acemənana Adamu nda Bakuli tita pusəe sə nənzmò ka, yi pusə Hawawu.‡

¹⁴ Sə Adamu nda Shetan swarki ka dāng, bwama nda Shetan swarki, sə gir nî yi duk caubikea.§

¹⁵ Kat andə amani, mbwama ka nə kum àwá nə ban bəlmuna* bə lidəmba aba pabamuru, andə earcearəu, andə doməfele, nə bwalrəu ka.

* **2:7 2:7** Balli gbal aba: 2Tim 1:11. † **2:9 2:9** Balli gbal aba: 1Bit 3:3. ‡ **2:13 2:13** Balli gbal aba: Tite 2:7,21-22. § **2:14 2:14** Balli gbal aba: Tite 2:7,21-22. * **2:15 2:15** nə kum àwá nə ban bəlmuna: <<Ko à nè yallí nə pur jam aba gbáshí>>

3

*Ulang abwana mana boaro bə̀à
dum nə gulo bwal Ikə̀lisiya ka*

¹ Mə̀nia yì cau ka, mə̀sə̀cau na, mə̀nana ama: Bə̀ bwa earce buno mala bʷamə̀gule múr ikə̀lisiya ka, earə̀na ce túró mə̀boarne.

² Sə̀ bʷamə̀gule múr ikə̀lisiya ka, bə̀ duk do dʷanyicau-arə̀y. Yì ka, nə duk bura bʷama mwashat, andə do bwalrə̀u, andə kwaro aba dēnyicau, sə̀ bwa na mə̀nana abwana kə̀ pe wi gulo ka. Yì ka, nə duk mə̀'ak abəri a bala male, sə̀ nə duk mə̀'sə̀lə kanigir.

³ Yì ka, pà nə duk mə̀'nuki agir andə wal-wale dā̀ng, pà nə duk mə̀ lúllô dā̀ng, nə pak bukʷuk, pà nə earce loasə̀kiaban dā̀ng, sə̀ pà nə duk mə̀ rufi atà boalo dā̀ng.

⁴ Dumə̀na púp nə bwal bala male pepè, sə̀ nə tsək amuni bə̀à kə̀ oki wi nə pagulo.

⁵ Sə̀ bə̀ bwa pà nə gandə bwal bala male raka, lang sə̀ nə gandə tsəkir ikə̀lisiya mala ʷakuli?

⁶ ʷamə̀gule múr ikə̀lisiya ka, bə̀ kə̀a duk bwa mə̀nana loa pabamuri aban ʷakuli ka dā̀ng, acemə̀nana nə nggə twalʷamuri. Sə̀ twalʷamúrú nə tsə̀i nə kpa aba ulang bashi mə̀nana à pàkkì mə̀bealbikea, yì mgbərəm ngga.

⁷ Ndanə boaro dəm bə̀ abwana mana amə̀'kwadì na raka, bə̀à kə̀ na mə̀boarne amurì, ace mə̀nana bə̀ kə̀a kum kəsə̀kya, bə̀ kpa aba gbə̀lì mala mgbərəm, mə̀bealbikea raka.*

* **3:7 3:7** Balli gbal aba: Tit 1:6-9.

⁸ Amə'bwal kun túró ndahiwi gbal ka, duməna púp bəà kumia nə bealu məboarne, bəà kəa duk amə'kúnbárína dang. À pà nə duk amə biki nu mùr-bəlanggun anap, ko amə alta kume nə bəmbəríki abwana dāng.

⁹ Duməna púp à nə bwal gír mana à ləmdəí nda məsəcau məlime mala do pabamuru mala aməkwadí ka nə dənyicau məboarnsari.

¹⁰ Bəà sən gya malea peatu pepe, bəà kumia nə do məbane raka, sə bəà bwalturo ndahiwi.

¹¹ Anggo gbal, sə duk púp ama, amaməna mənana amə'bwalturo bá ndahiwi† na ka, bəà kumia nə bealboarna, bəà kəa duk amə twalki alulləu dang, bəà dum nə bwalrəu andə məsəcau aba koya gír.

¹² Mə'bwal kun túró ndahiwi ka, duməna púp nə duk bura bwama mwashat, nə bwal amuna andə bala male pepè.

¹³ Abwana mənana à pak túró malea pepè ka, à nə kumbi bəmuria lulləu məboarne, sə à nə bang cau nə məsəkaŋ-kangŋa amur pabamuru malea aban Kərəsti Yesu.

¹⁴ Mə ndanə tsəkbaləu ama mə nə ká aban wun banì pà nə sau dang. Sə mə ndaban gilə mənía yì gír ka, ace mənana ama,

¹⁵ bə ən wari tù raka, wu sùrə ulang do mənana koyan abalə amə'bala mala 'Bakuli nə dum nài ka. Acemənana ikəlisiya mala 'Bakuli məyiləmuì ka, nda nggun baləu andə kusəba mala məsəcau.

† **3:11 3:11** *amaməna mənana amə'bwalturo bá ndahiwi: Ko <<amálá amə'bwalturo bá ndahiwi.>>*

¹⁶ Kè makgìr pà kàm dāng, gìr ɓa-səmbərəa mala
 cau paɓamuru ma'səm ngga lim kèrkér:
 Kərəsti ka, yi pur aba
 nggūrə ɓwapəndəa,
 sə à ləmdəí mə'cauɓoarna
 na nə bu Bangɓo mala
 Bakuli.
 Aməturonjar səni,
 sə à hamnə cê aban
 aɓwana mala aɓea anzali.
 Aɓwana a ɓanza paɓamuria
 a ɓaní,
 sə à twali à um nəi a kùli
 aba ɓoarɓwa.

4

À kwarkir Timoti

¹ Adyan ngga, Bangɓo Məfele kə na səm ɓwāng
 ama a masələata apwari ka, aɓea aɓwana nə pələi
 paɓamuru mə'məsəcau nì nzəmia. À nə kpata
 aɓangɓo mə'nyirì andə akanìgìr mənana à pur nə
 ɓan akukwar ka.

² Amənia yi aməkànìgìr ka, amə'kúnɓárína na sə
 amə'nyir na. ɓabum ɗenyicau məɓoarne malea
 wuna.

³ À nda ka aɓwana mana à kə pərɓan arə dobala
 andə lika aɓea agirlina, agirlina mənana ɓakuli
 pusəia ace aɓwana mana à sùrənà rə məsəcau, à
 pana ɓamuria a ɓaní ka, ɓəà kə lia nə pak yàwá
 ka.

⁴ Sə acemənanə koya gìr ɓakuli pusəi ka
 məɓoarne na ka, ɓə səm ngga na ama səm nə ɓinə
 kə ɓè dāng. ɓə səm e nə ɓabum yàwá,

⁵ acemənana Bakuli tsəngŋəni duməna məfele nə hiwi andə cau male.

⁶ We ka, bə a kə lidəmba nə bəli aməkpata Bakuli balə amənia yì agir ka, a nə duk mətúró məboarne mala Kərəsti Yesu, a nə ləmdə ama a gulna abalə acau mala do kwadɪ andə kanigir mə'məsəcau nì mənana a kpana tè ka.

⁷ Tārəto arə naki acaubana andə anjarnzəne mala abwagula. We ka, pà rəcandəa mò arə pe bamuro kanigir mala do pepe aba Bangɔ.

⁸ Songnə nggūrəu ka ndanə boaro, səama bak bamuru aba do kpata Bakuli ka ndanə gir məboarne atə abalə agir kat, acemənana nda bwal kum do yiləmu məboarne mana adyan andə mənə kə yiu ka.

⁹ Mənia ka, nda məsəcau mənana ndanə boaro bə koyan ngga bə é ka.

¹⁰ Nda gir mənana tsəa sə səm nggə pak túró kərkər, səm nggə lidəmba nə bariki, acemənana tsəkbaləu ma'səm ngga, nda amur Bakuli məyiləmuì, yì Mə'amsəban mala abwana kat, nggeamurəmi ka abwana mənana à pabamuria a baní ka.

¹¹ Kani abwana amənia yì agir ka, sə wu tsəa koyana ka bə bwaltea.

¹² Kəa eare bə kə bwa nyesəo bə, acemənana a nda lo-bwa ka dāng. Duk girkàni a ban aməkwadɪ aba nacau, andə doməboarne, andə earcearəu, andə pabamuru, andə doməboarnsari mō.

¹³ Sə kaniama mə yiu ka, pà bamuro arə ballia abwana Maləmce mala Bakuli andə kania wia gir, bəa kum bakban.

¹⁴ Ce a būrāce boro mala Bangŋo mənana a ndanəi, mana à po nə na gi Bakuli, a pwari mənana aməkùrcāu abwana-məgule amur ikəlisiya tsəko buia a muro ka.

¹⁵ Tsək amənia yì agir ka aba túró, pà bamuro kat a rəia, anggo sə abwana kat nə sən lidəmba mo.

¹⁶ Yál bamúrò andə kanigir mò. Lidəmba aba mənia ka, acemənana bə a pà anggo ka, awu nə amsə bamúrò andə abwana mənana à kə oeo ka.

5

À kwarkir Timoti amur yál ikəlisiya

¹ Ce a pyau jamgula dang, ne wi cau bukbuk nə pagulo, kəla mənana a nə ne tárró ka. Ne alaggana cau kəla mənana a nə ne amə'eambo ka.

² Tsək kir abwagula kəla mənana a nə tsəkir anggeau ka. Sə ansarina ka, tsək kiria kəla amə'nggauleo, nə babum məboarnsari.

³ Denyi nə amā-lú mənana kəbwa pà murià raka, tsəkiria.

⁴ Sə bə mā-lú ka ndanə amuna ko aməkau ka, bəà tita kànì ləmdə do banggi Bakuli nə denyi nə aməbala malea, anggo ka à nə mbwekia aməbəlia andə akeā nə pa gbasha. Mənia ka, nda gir mənana kə pwəsəbum Bakuli kərkər ka.

⁵ Mā-lú məbafoe, mənana nda nəmurəi, kəbwa pà amurì a banza man raka, kə tsək bāləi arə Bakuli, sə kə lidəmba dù andə pwari, aban zəmbi Bakuli bə bwali wi kàm.

⁶ Sə mā-lú mənana dʋwanyi bwalrəu a do male, kə gyata pə bamurì banboarnado ka, wuna aba

bangŋo, kat andə amani ama nda andə aməsəi a nggūrəu ka.

⁷ Kwarkir ikəlisiya arə amənia yia agir ka, ace mənana bəà duk do đwanyicau-arəŋ.

⁸ Sə ko bə ya bwa na mənana kat kə tsəkir abəla male, nggeamurəmi ka aməbala male raka, man yì bwa ka pàngŋənà ce pabamuru male bə, yàle bwa mənana sūrə Bakuli raka, boari wi.

⁹ Mā-lú mənana à nè balli abalə amā-lú mənana à nè tsək kiria ka*, nda mana lùmsənà apələa lumi-tongno-nong mwashat ka. Sə dəm ngga aba dolabura male ka bwabura mwashat na dùm nēi ka.

¹⁰ Bə duk bwa mənana abwana sūrəi pepe ace atúrò-boarna male, kəla tsəkir amuna andə ləsəia pepè, andə ak abəri, andə đenyi nè aməkwađi pepè, andə bwamur abwana mənana à nda aba tanni, andə do pa babum arə pakkia koya túró məboarne ka.

¹¹ Amā-lú mənana alo-bwa na ka, bəà kəa oasə lulləia dāng, acemənana nzal dolabura nè tsəa à pà nè gandə do anggo nəmurəia aban pakki Kərəsti túró dāng, à nè nyare à nè dukbala dəm.

¹² Sə anggo ka à nè yinəi bamuria bashi, acemənana à yàlni kùrcau malea mənana à twal a dəmbe dīdyał ka.

¹³ Dəm ngga, à nè nggá sūrə dobəna, à nè kutia gāli aban kutiki arə abala. Sə amə'dobəna na nəmurəi à nè pələ ka dāng, à nè duk amə'twalki

* **5:9 5:9** *amā-lú mənana à nè tsək kiria ka:* Ko <<amā-lú mənana à nè twalia ace túró mala ikəlisiya sə ikəlisiya nè nggə linəia ka.>>

alulləu andə amə'oasəkiacau, aban naki acau mənana boaro bəà kə na raka.

¹⁴ Ən nggə kwarkir amaməna mənana amā-lú na sə à malaká gul raka, bəà albura dəm, bəà bəl amuna, bəà tsəkir abala malea. Anggo sə biu-məbura pa nə kum njar mala na məbane amur səm dāng.

¹⁵ Acemənana pas abalə amənia yì amā-lú ka, à angja-dəmba à bwarkina, à kpana atə Shetan.

¹⁶ Bə bekə bwama məkwadì ndanə abəla mənana amā-lú na ka, bə kə tsəkiria, bə kəa na ama nə nyinggi ikəlisiya mənina yì twalo ka dāng, ace mənana bə ikəlisiya tsəkiri arə amā-lú mənana kəbwa pa amúrià raka.

¹⁷ Abwana-məgule mala ikəlisiya mənana à kə pak túró malea pepè ka, bəà kə pea wia gulo, bəà kə mbwea pepè, nggeamurəmi ka abwana mənana à kə pak túró kərkər aba hamnə cau andə kanigir ka.

¹⁸ Acemənana Maləmce ka bang ama, <<Cè a kúr kun jamnda mənana kə nyaki məssa ka dāng.>> Sə aba bə ban dəm ngga, à bang ama, <<**Abwana mənana à kə pak túró ka, boaro bəà kə mbwea.**>>†

¹⁹ Cè a na ama a nə earnə cau-kidíkiban mənana à ne amur bwaməgule ikəlisiya ka dāng, shebə cé purna a kún abwana bari ko tərú ka.‡

²⁰ Abwana mənana à kumia aba caubikea ka, bəà nunkiria a badəm a'ikəlisiya bwāng. Acemənana anggo sə à nə pè acili abwana bangciu.

† **5:18 5:18** Balli gbal aba: Nggur 25:4; Mat 10:10; Luk 10:7; 1Kor 9:9. ‡ **5:19 5:19** Balli gbal aba: Nggur 17:5-7; 19:15.

²¹ Ən nggə kwarkiro a badəm Bakuli andə Kərəsti Yesu, andə aməturonjar mənana à tària ka, kpata amənia yì anggurcau ka, kəa na ama awu nə ləmdə tərban, ko earməsəu dāng.

²² Cè a kaurəa atà pè bwa gulo aba ikəlisiya dāng. § Sə kəa wu oasə bamuro abalə acaubikea mala abea abwana dāng. Yál bamuro aba doboarnsari.

²³ Kəa wu nu mür-bāng nəmurəi dāng, kpapi andə mür-bəlanggun anap məhangje bəti ace bumo, andə nggürəo mənana kə po tanni pwari-pwari ka.

²⁴ Denyi ama, acaubikea mala abea abwana ka, à nda banfana bwāng, koya bwa ka, sələna ama amənia yì abwana ka à nə pakkia wia bashi. Sə abea abwana nəkam caubikea malea kə ləmdə dāng, she nənzəmò.

²⁵ Akə njar mə'mwashati, atúró məboarne mala abea abwana ka, à nda banfana bwāng, sə abea bwanə ka, atúró məboarne mənana à pakkiyia aba səmbərəa ka, pwari na kə yiu ka, à nə ləmdəia.

6

Kànigir amur aguro

¹ Aməkwadfi mənana à nda bata twalo mala doguro ka, bəà kə pè amətala-bala malea gulo pepè, ace mənana abwana bəà kəa na məbane amur Bakuli andə kanigir ma'səm raka.

§ 5:22 5:22 Cè a kaurəa atà pè bwa gulo aba ikəlisiya dāng: Ko <<Cè a kaurəa atà tsək abuo amur bwa ace mənana awu nə tàri ace túró bá ikəlisiya ka dāng.>>

² Amuna-bala mənana amətala-bala malea ka aməkwadī na ka, bəà kəa tsəi atə ama amə'eamrəarəu na à nè dʷanyī pea wia gulo dāng. A kúnì ka, bəà pakkia wia túró a njar mənana boaribani ka, acemənana amətala-bala malea mana à kə li məboarne abalə atúró malea ka, abia aməkwadī na, sə abwana na mənana Bakuli kə earcea ka. We Timoti ka, wú kə kani abwana bəà súrə mənia yì aməsətaçau ka, sə wú kə kwarkiria bəà kə kpatea.

³ Bə kə bwa kə yinə be kanigir mana nda dāng andə mənia, sə earnə kanigir mə'məsəçauñi mala Mətalabangŋo Yesu Kərəsti, andə kanigir mala do məkpaça Bakuli raka,

⁴ bwe ka, twàlbamúrú akini, sə súrə kəgír dāng. Ulang mənia yì bwa ka, ndanə babum məbane mala makgír andə loasəkiaban amur açau mana à kə yinə mbali, andə kúnbuàna, andə kidikibwa, andə nusəban nə məbane ka.

⁵ Amənia yì abwana ka à nda aba yinə do məbike koya pwari ka. Babumia pəndəkina nə bealbikea andə dʷanyī kpata gír a njari andə məsəçau. Abania ka, kpata Bakuli ka, njar mala ram gəna na.

⁶ Sə yàle kpata Bakuli atārəia andə kum dəmsəban aba do nə mo'amurbuo ka,* kum gəna məgule na.

⁷ Acemənana səm ngga, səm yinə kəgír a bu səm a banza dāng, sə pə səm nə umnə kəgír gbal dāng.

* **6:6 6:6** *atārəia andə kum dəmsəban aba do nə mo'amurbuo ka:*
Ko <<atārəia andə dəmbəo nə gír mənana a ndanəi ka,>>

⁸ Acemani ka, bə səm ndanə girlina andə agir-nggūrəu ka, mənía ka kārəna səm.

⁹ Sə abwana mənana à kə alte ama à nè duk aməkume ka, à kə kpa aba kārəkiban, andə gbəlî, andə kum bamuria abalə azənda mala agir məbane pas. À nè kum bamuria abalə agir mala yinə məbike arəia, mənana à nè nggá masələia aba kidikiban andə lú-bəsa ka.

¹⁰ Acemənana rufi atà boalo ka, nda nlerə koya bealbikea. Abea abwana mana bumia kə pi ace alta gəna ka, gandəa à kpana, à dekina pabamuru malea aban Bakuli, à soana babumia nə agir bumkidikea.

*Masələata kwarkiru mala
Buləs aban Timoti*

¹¹ Sə we Timoti ka, a nda bwa mala Bakuli. Acemani ka, banggi agir məbike mənía kat ka, sə wu kpata pəkgir a njari andə pəməboarne, andə docauboarna, andə do bwa mala Bakuli, andə pabamuru, andə earcearəu, andə bwalrəu, andə dobuɓɓuka.

¹² Munə munəo məboarne mala pabamuru. Bwal kàngkàng arə yiləmu mənana málá male pà kəm raka, mana Bakuli tunəo ace, sə a náná pabamuru mô arəi a badəmbə amə'nakún pas ka.

¹³ Ado ka, mə nda ban tsəko nzongcau a badəm Bakuli mənana pākiyi koman ngga yiləmu, sə a badəm Kərəsti Yesu, mənana nakuni pepè a badəm Buntu Bilatus ka.†

¹⁴ Kpata nzongcau mənía ka nə babumo mwashat andə dwanyicau-arəy, twal adyan bə pwari nyare yiu mala Mətala səm, Yesu Kərəsti.

† 6:13 6:13 Balli gbal aba: Yoh 18:37.

15 Bè pwarinì yi kāróna ka,
Bakuli mana b̄wanḡsəban
kat a baní sə pa,
sə yì nəm̄urəi nda Məyalban,
yì Murəm mala amurəma
andə Gbani amur
amə'talan̄zali ka,
nə yia ləmdə Kərəsti nə kuli.

16 Kə yì mwashat,
nda mənana pà nə wu raka,
sə ban-do male ka,
nda aba t̄alab̄an məcandəe
mana kəbwa pà nə gandə
sunḡŋo a baní raka.
Kə məsəu malaká
səni d̄ang,
sə kə b̄è pà kàm
nə səni d̄ang.
Abani kat, sə gulo andə
rəcandəa mənana málá
male pà kàm raka, pa!
Bè do anggo.

17 Kwarkir aməkume mənana a banza man
ngga, b̄əà kəa twalbamuria d̄ang, sə b̄əà kəa
tsəkbaləia arə agəna malea mənana à kə kútí nə
kútíô ka d̄ang. Tsəkbaləu malea ka, b̄è do amur
Bakuli, yì b̄wa mənana kə pa s̄əm nyangsang agir
mənana kat s̄əm nggə earcea ace banboarnado
ma'səm ngga.

18 Nea wia b̄əà kə pak m̄əboarne nə boalo
malea. B̄əà duk aməkume abalə atúró m̄əboarne,
sə b̄əà kə pabu aban abwana mənana à p̄an̄ei raka.
A koya pwari ka, b̄əà kə kumia nə gilərəu mala

bwalia aḃwana kàm, nə agir mənana kat Bakuli pea wia ka.

¹⁹ Aba pě mənə anggo ka, à nə nggə rambi bamuria gəna mana nə dupia wia tər kum do məboarne a nza mənana kə yiu ka, sə do nə yiləmu məbafoe ka, à nə kumi nə duk malea.

²⁰ Timoti, tsəkir gir mənana Bakuli po a buo ka. Yál bamuro arə naki acaubana mala agir mənana à kə yinəi Bakuli gulo raka, andə acau a mgbasho mənana abea ḃwana tunəi aba ḃwarkio ama <<Sələe>> ka.

²¹ Abea ḃwana twali ama à ndanə mənə yì <<Sələe>> ka, gandəa warinəia à ḃwarkini tanjar malə dokwadi.

Ḃə ḃwamuru mala Bakuli do atə wun kat.

Mbula-Bwazza
Portions of the Holy Bible in the Mbula-Bwazza
language of Nigeria

copyright © 2022 The Seed Company

Language: Mbula (Mbula-Bwazza)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-12

PDF generated using Haiola and XeLaTeX on 10 Sep 2025 from source files dated 12 Jul 2025

dc693218-7e0b-5547-ab57-2e0275b90e93